

## Der Moustflackng

Da läfft mer doch neulich mei Freund nei die Quer  
mit en Trumm blaua Aach, ich kenn na kaum mehr.  
Ich fräich na : Wu hastu denn dös Ding har ?  
Vom Batn säicht dar, es is werglich wahr.  
Dös gläb ich net, souch ich, dös ka ja net gsei  
sou Oppes kriecht mer doch höchstns bei a Schläicherei.  
Dös muß du mir scho näher erklär, -  
vom Batn kumma doch niemals ke Moustflackng her.  
Pass auf, hat er gsocht, sall is sou gewasn:  
mei Schwiechemoadder war neulich bei uns zum Assn  
un du wäbt ja , däb mer vorn Assn batn töät  
wies sichs in en christlichng Haus sou ghät.  
"Und erlöse uns von dem Übel " an dara Shtell  
da guck ich doch -wie 's der Zufall grod will-  
meiner Schwiechemoadder pfeilgrod neis Gsicht  
wos nacher kumma is .... ich gläb däb mersch sicht ?  
Jetzt wüßt er wuhar ich mein Moustflackng ho.  
Saht Euch für un nammt Euch a Beispiel dro !